



VÁLGA

INFORMASJON

Julevsábmáj | Lulesamisk

Suohkanstivrra- ja fylkadiggeválgga 2015

Ájnas diedo dunji guhti ájgo jienastit



Válggabiejvve le ragátmáno 14. biejeve. Mujte duodastusáv!



Suohkan- ja
áđástuhttemdepartemænnta

Suohkanstivrra- ja fylkadiggeválgga 2015

Válgan válljip ájrrasijt suohkanstivrraj ja fylkadiggáj.

Suohkanstivrra le suohkana alemus orgádna. Danna mierreduvvá bájkálasj ássjij hárráj degu mánárgárdde, mánájsuodjalibme, pládna- ja areállagatjálvisá, vuodoskávllá, varresvuoda- ja huksodievnastusá, kulturdájma ja renovasjávnná.

Fylkadigge le fylkasuohkana alemus orgádna. Fylkadigge mærrádusájt mierret duola dagu joarkkaáhpadusá hárráj, fylkarahtij ja færjjomannulagáj, bájkálasj kollektijvajáhtulagá ja kulturdájmaj hárráj.

Oslon le suohkanstivrraválgga ja stádaguovlloválgga, valla ij fylkadiggeválgga.

20 suohkanijn máhtti 16- ja 17-jagága jienastit suohkanstivrraválgan. Dát guosská suohkanijda Austevoll, Eid, Gausdal, Hamar, Horten, Hå, Klæbu, Guovdageaidnu/Kautokeino, Kristiansund, Lillesand, Luster, Mandal, Marker, Målselv, Namdalseid, Oppegård, Porsgrunn, Stavanger, Divtasvuodna/Tysfjord ja Cahcesuollu/Vadsø.

Bájkálasj ássje vájkkudahtti ienemusát duv árggabiejjev. Gå jienasta, de le siegen mierredime guhti duv ja duv berustimijt galggá ávdástit suohkastivrran ja fylkadikken.

Dán brosjjran oattjo diedojt gáktu dagá gå galga jienastit.

Válggabiejvve le ragátmáno 14. biejeve 2015

Moatten suohkanin le válgga aj ragátmáno 13. biejeve. Suohkana ietja diededi jus le máhttelis jienastit avta jali guovte biejeve birán.

Mujte duodastusáv gá jienasta!

Válggaláhka gájbbet duodastusáv jienastiddjes gev e dábdá. Duodastus máhtta liehket pássa, vuodjemkárttá jali bájrkakárttá aktajn gáváj, valla ietjá duodastus aj dáhkki. Duodastusán galggá gávnnut jienastiddje namma, riegiádimbiejvve ja gávva.

Jus le institusjávnajn árronin duola dagu skihppijsidan, skihppijvieson jali giddagisán, máhtá institusjávna barggev oadtjot identitiehtat duodastittjat.

Divna jienastiddje oadtju jienastimkártáv

Jienastimkártá ávddábielen gávna diedojt gánna ja goassa jienastit máhtá válggabiejve. Jienastimkártáv galla i dárbaaha gá jienasta, valla diedoj hárráj le dat ávkálasj. Jienastimkártá ij dáhkkiiduvá duodastussan.

Guhti máhtta jienastit?

- Vuona stáhtaviesáda gudi li állim 18 jage 2015 jage birán ja gudi li, jali li læhkám tjáledum árron Vuonan.
- Nuorttarikaj stáhtaviesáda gudi li állim 18 jage 2015 jage birán, ja gudi li læhkám tjáledum árron Vuonan mañemusát biehtsemáno 30. bieje rájes jagen 2015.
- letjá álggorikak stáhtaviesáda gudi li állim 18 jage 2015 jage birán, ja gudi li læhkám tjáledum árron avtatrajes Vuonarijkan gálmma mañemus jage ávddála válggabiejve.
- 20 suohkanijn máhtti sij gudi li állim 16 jage 2015 jage birán jienastit suohkastivrraválgan. Sij vierttiji duodastuvvat árron daj gájbbádusáj milta ma li nammaduvvam bajebun. Gehtja nuppát bielen makkár suohkanijda dát guosská.

Goassa ja gánná máhtá jienastit?

Válggabiejve jienasta suohkanin gánná le tjáledum árron biehtsemáno 30. biejve 2015. Ietjat suohkanin máhtá jienastit makkir válggahuodnanin sidá

Árabut jienastit máhtá snjilltjamáno 1. biejve rájes gitta ragátmáno 12. biejve rádjáj makkir suohkanin sidá.

Gehtja tjuorggasav manep bielen mij vuoset gáktu ietjat sijddasuohkanin jienasta.

Jus ietjat suohkana álggolin jienasta, de sjaddá jienstimvuohke unnin ietjá láhkáj.

Dån oatto jienastimlistav gánná li dånkkiduvvam politihkalasj belludagáj namá, valla ælla kandidáhtaj namá. Dån viertti ruossav biedjat jali tjálestit makkir belludagáv/juohkusav sidá jienastit. Máhtá aj iesj áttjudit jienastimlistav ietjat suohkanis ja adnet dav jus sidá duoddejenav kandidáhtajda vaddet. Sæmmi aj jus jienasta fylka álggolin fylkadiggeválgan.

Jus ietjat suohkana álggolin jienasta, de viertti válggadájmadiddje jienastimlistav stiempeldit ávddål jienastimlisstakonvoluhttaj bieja. Dáv konvoluhtav ja válggakártáv biedji álgusjkonvoluhta sisi, ja de válggalihttaj luojtti. Jienastibme rájaduvvá de duv sijddasuohkanij.

Jus le skibás jali sáhtus, de máhtá suohkanis áhtsát vaj besa sijdan árabut jienastit.


Suohkan diedet áhtsámájgev.

Suohkan diedet goassa ja gánná jienastit máhtá.


Bárggemáno rájes máhtá aj
válggahuodnahat mobiltelefávná
baktu áhtsát:
www.valglokaler.no




Gåktu jienasta ietjat sijddasuohkanin?




1) Válde jienastimlistav mav ájgo adnet: avtat suohkanstivrraválggaj ja avtav fylkadiiggeválggaj.




2) Dagá rievddadimijt jienastimlistan jus sidá (gehtja bagádusáv manep bielen).



3) Máhtsasta jienastimlistajt belludaknamájn sisi ja bielev gággu stiehpelt álgus - de ij aktak vuojne majt jienasta. Ij galga adnet konvoluhtav jalik makkirak ietjá álgutjav jienastimlistaj birra.



4) Maná válggadájmadiddje lusi ja stiehpeldahte jienastimlistajt álgolt. Goappátja jienastimlista vierttiji stiehpelduvvat vaj dáhkkiduvvi!




5) Bieja dajt stiehpeldum jienastimlistajt jienastimlihhtáj.

Gáktu jienastimlistav rievddada?

Jus sidá vájkkudahttet guhtimuttja kandidáhtajš válljiduvvi, de viertti duoddejenav kandidáhtajda vaddet. Ietjat duogen le jus sidá jienastimlistav rievddadit duoddejenav baktu.


Ale balá rievddadimes. Gáktu dagá vuojná jienastimlistan. Jienastibme ij hilgoduvá vájku boasstot dagá!

Dán láhkáj vattá duoddejenav:




Suohkanstivrraválgan:

1) Bieja ruossav ruktuj dan kandidáhta namá guorraj gev jienasta. Máhtá vaddet duoddejenav man moaddásijda sidá.



2) Tjále kandidáhtaj namájt ietjá belludagájs/ juohkusijs sierra sadjá jienastimlistan. Jienastimlistan tjuodtju gallásav máhtá tjálllet.

Jus vattá duoddejenav muhtem kandidáhttaj ietjá belludagájs/juohkusijs, de muhtem oasse duv jienastimes sirdeduvvá dan belludahkáj/juohkusij.



Fylkadiggeválgan:

Bieja ruossav ruktuj dan kandidáhta namá guorraj gev jienasta. Máhtá vaddet duoddejenav man moaddásijda sidá.

Guhti válljiduvvá?

Vuostak mierret válggastivrra gallásav juohkka belludahka jali juogos oadtju suohkanstivrraj jali fylkadiggáj. Dan mannela láhkå válggastivrra jienajt ja gávnat gudi válljiduvvi duot dát belludagås jali juohkuis.

lenep diedojt gávna jus gehtja www.valg.no



Almoduvvam jagen 2015 Suohkan- ja áđástuhhtemdepartementas
Publikasjávnná le járggáluvvam aj áđádárogieallaj, sámegiellaj ja lågev vieresgielajda

Jus dárbaaha ienep diedojt váлга birra, de gehtja www.valg.no

Publikasjávnnánummar: H-2344 Julevsábmáj | Lulesamisk